



Volumen Epistolarum, Qvas Romani Pontifices, Gregorijs III., Stephanvs III., Zacharias I., Pavlvs I., Stephanvs IV., Adrianvs et Pseudopapa Constantinus miserunt& reges Francorvm, Carolvm Martellvm, ...

Gretser, Jacob

[München], 1613

Jtem exemplar Epistolæ Pauli sanctæ recordationis Romani Antistitis per Andream & Gundricum missa, in qua continentur gratiarum actiones & postulationes, volendo adiutorium obtinere contra ...

[urn:nbn:de:hbz:466:1-65166](https://nbn-resolving.org/urn:nbn:de:hbz:466:1-65166)

memorie Dñs & germanus meus sanctissimus Pōtifex vobiscum confirmavit permanentes, & cum nostro populo permanebimus vsq; in finem. Vnde & indefinenter extensis palmis ad cælum pro vite incolumitate Excellentia tua atq; dulcissimorum filiorum & excellentissime Reginae sospitate, Domini Dei nostri, exoramus clementiam tuam, vt semper tuum auxilium & firmissima protectio extendatur super nos. Incolumem excellentiam tuam gratia superna custodiat.

Item exemplar Epistola Pauli sanctae recordationis Romani Antistitis per Andream & Gundricum missa, in qua continentur gratiarum actiones & postulationes, volendo adiutorium obtinere contra Langobardos.

XIV.

DOMNO excellentissimo filio & nostro spiritali compatri Pippino Regi Francorum, & Patricio Romanorum, Paulus Papa, cum maximo honorificentiae conatu & dilectionis affectu. Quas praecleara excellentia vestra misit literas, adferentibus Andream & Gunderico, sollertissimis viris, Christianitatis vestrae Missis, acceptantes suscepimus
 * litteras quibus solita gratulatione, laetitia relegentes, & mente & corde oppido sumus laetati, dum per eas optata nobis desideria, affectio & laetitia, multum de vestra prosperitate nobis compertum est, Deo omnipotenti immensas referentes grates, qui nos iuxta, vt crebro optamus, de vestra inmensa sospitate, latos reddere annuit, nihil enim nobis dulcius, nihil
 sua-

* Videtur
 redundare.

suauius in hac vita extitit, quam vestræ incolumitatis gaudia assidue prosperis relationibus addiscere, dum nimirum prosperitatis vestræ lætitia, sanctæ Dei Ecclesiæ* exultatio, & omnium orthodoxorum extitit v-^{* Excellentio.} berrima defensio, & eis deniq; à vobis directis syllabis, ^{tio.} nos certos, & in omnibus reddidistis vos paratos adesse in adiutorium & defensionem sanctæ Dei Ecclesiæ, in quibus necessitas ingruerit, atq; in ea vos fide & dilectione firmiter esse permansuros cum B. Petro Apostolorum principe, atque beatissimæ recordationis domno & germano meo Stephano sanctissimo Papa; solliciti estis omnia adimpleri, & inuiolabiliter conseruari adfirmantes, quæ eidem Dei Apostolo polliciti, & ob veniam delictorum vestrorum confessi estis; quod quidem nos, dum cor Excellentie vestræ in manu Dei est, & diuina benedictione sanctæ vntionis gratia, per Apostolum eius, & regni cœlorum clauigerum, B. Petrum in Regem excellentissime, atq; præcellentissime Rex, esse dinoscitur vntus, magna nobis id est confidendi spes, quod in ea ipsa caritate & dilectione atq; promissione, quam celestis regni Ianitori spondere studuistis, vos firmiter esse permansurum, dum & procul dubio & per litteras & vestros sedulo destinatos Missos nobis confidendi materia conferetis.

Vnde & nos firmiter in vestra caritate & dilectione, cunctis diebus vitæ nostræ erimus permansuri, & nullus nos poterit, per quamlibet temporum interruptionem, à vestro amore & charitate, atq; dilectione, * quem medio nostrum adnexa est, separare; pro quo ^{* qua in} obnixis deprecationibus quæso, & coram terribili futuro iudicio Excellentiam vestram coniuans depre-

cor, ut iuxta quod ex vestro mellifluo ore prolata, & beato Petro promissa sunt, firma constantia permanere iubeatis, respuentes inimicorum sanctæ Dei Ecclesiæ & fidei Orthodoxæ impugnationum impias suasiones, & inanes promissiones, & Deo magis & beato Petro semper placere procurate, qui vobis præsentis Regni gubernacula tribuit: quatenus & temporalis regni potestatis, vel culmen largiri dignatus est, cœlestia quoque vobis regna perenniter tribuat possidenda, & inensas de hostibus Apostolorum principis suffragiis, largiri dignetur victorias.

* à Desiderio.

De eo verò, quod innotuit Excellentia vestra, vobis * Aderio Langobardorum Rege esse insinuatam, nullam malitiam vel inuasionem à Langobardis in nostris partibus fuisse illatas; omnino credat nobis beniuola Excellentia vestra, non veridicè in hoc vobis direxistis, etenim benignissime fili, & spiritalis noster compater, Christianissime Rex, dum tantæ ab eisdem Langobardis deuastationes, in nostris finibus ac ciuitatibus factæ fuissent, & à nobis ex hoc ammonitus fuisset, comminationis suæ ad nos direxit litteras, quas necessitate coacti, infra nostras Apostolicas litteras hoc præterito anno, vestræ excellentiæ direximus intuendas, hostiliter quippe in ciuitate nostra * Synogaliensi per gentes, ferro & igne, quæ extra eandem ciuitatem consistebant, deuastauerunt & plurimam exinde auferentes prædam, aliquantos ibidem interfecerunt homines. Similiter & in partes Campaniæ, id est, castro nostro, quod vocatur Valentis, hostiliter irruentes, talia, sicut paganæ gentes, egerunt, de quibus vsque hæcenus nequaquam iustitiam ab eis recipere

* Senogaliensi.

pere valuimus. Et ideo excellentiæ vestræ direximus, vt vestrum annuissetis dirigere Missum, quatenus eius præsentia inter partes iustitiæ peruenissent, vt non ex hoc aliqua à nostra vel Langobardorum parte ad easdem perueniendum iustitias dilatio perueniret.

Vnde pro vestra amplissima satisfactione ad probationem fecimus, in præsentia prædictorum vestrorum fidelium Missorum, cum iam dictis Langobardorum Regis Missis, & satisfacti sunt vestri Missi de tantis iniquitatibus, & cognouerunt * vestram veritatem & eorum mendacium; & ob hoc non possumus tantas ab eis nobis illatas malitias tacere, sed necesse nobis vestro regali culmini, utpote, post Deum, huius prouinciæ liberatori, cuncta innotescere, quo per vos omnis istius prouinciæ à vobis redemptæ populus, ad suam pertingere valeat iustitiam.

Interea præcellentissime ac benignissime Rex, Christianissime fili, & spiritalis Compater, suscepimus & mensam illam, quam olim sanctæ recordationis Domino & Germano nostro beatissimo Stephano Papæ, & per eum beato Petro Apostolo obtulistis: quam & cum hymnis & canticis spiritalibus Letaniæ laudes solenniter Deo referentes, infra aulam ipsius principis Apostolorum introduximus, quamq; vestri Missi in sacram Confessionem, super corpus scilicet eiusdem cœlorum regni Ianitoris ex vestri persona obtulerunt: quam & chrismate vntionis sanctificantes, & sacram oblationem super eam imponentes, sacrificium laudis Deo omnipotenti, * paterna animæ vestræ remuneratione & regni vestri

* nostram.

* pro pater-
na anima
vestra re-
muneratio-
ne.

* obtuli-
700 666.

vestri stabilitate* offeruimus, decernentes Apostolica censura sub anathematis interpositione nulli unquam licere, eam ab Ecclesia B. Petri alienare, & ecce memoriale vestrum in eadem Apostolica aula fulgens permanet in aeternum, cuius remunerationem vos credite à iusto retributore Dño Deo, & beato Apostolorum principe Petro in coelestibus regnis adepturum.

De Regio itaq; & Petro, quod innotuistis, omnino agnouimus, sed hoc in vestrae voluntatis arbitrio relaxamus, ut qualiter vobis placuerit, ita ex eis agatis siue illis apud vos eos detinendo, siue etiam ad nos absolueno, quoniam omnino, quae vobis placita sunt, & nobis omnino congrua & prospera esse videntur. Praefati deniq; missi vestri, omnia quae à vobis iniuncta extiterunt, liquidius nobis retulerunt, de quibus ad singula responsum reddimus, eosq; de cunctis informatos ad vos enarrandum absoluiimus, perficientes & causam praedicti Andree, ut eius fuit voluntas & vestra extitit praecipio.

Omnipotens autem Dominus, qui diues est in misericordiis, suae extensionis brachio vos continua defensione protegat, & omnes aduersarios ac rebelles vestris regalibus subiiciat vestigiis, tribuens longeuiter ac salubriter, vna cum excellentissima filia & spiritali nostra Commatre, benignissima Regina & amatissimis natis Carolo & Carolomanno, excellentissimis Regibus & Patriciis Romanorum, atq; Gisila nobilissima, regni gubernacula possidenda & aeterna praemiorum gaudia, cum sanctis & electis perfrueda. Incolumem Excellentiam vestram gratia superna custodiat.

Item